

摘藻堂四庫全書薈要

集部

欽定四庫全書薈要

集部

元詩選初集卷二十



詳校官候選知縣臣吳嗣華

欽定四庫全書薈要卷二萬三百八十

集部

元詩選初集卷二十

長洲

顧嗣立

編

袁桶清容居士集下

送孫道士歸杭

送鴈南飛十五年朔風吹雪上華顛梨花<sub>的</sub>的疑蝴蝶

燕子深深似杜鵑東野先生愁外句西湖處士夢中緣  
抱琴獨去知無奈一櫂春江水拍天

次韻王寅甫侍讀莅醮長春宮

蛻骨稜稜似鶴輕  
觚壇危處玉為城  
天街正候三能色  
雲所疑呼萬歲聲  
氣篆通靈歸廓落  
心章祈歲報清平  
金穰上瑞吾皇意  
不用神芝朶朶生

次韻陳又新

登臺底用惜春菲  
平楚微茫落照時  
燒後斷碑遺鳥跡  
耕餘殘壁隱蠶眉  
泉分去路蕭蕭玉  
山聳歸雲簇簇旗  
駐馬應須更搔首  
遠煙迴鴈不勝詩

西湖空濛圖

舊隱湖山筆底收相從京雒意中遊昏昏車馬飛花雨  
寂寂鍾魚落葉秋千古登臨翻昨夢百年歌舞漾清愁  
何當化鶴看滄海不用呼猿吸澗流

張虛靖園菴扁曰歸鶴次韻

招仙遊館構亭亭萬疊松寒曉日青玉局講殘春換劫  
石臺丹在草通靈紅羊赤馬悲滄海白虎蒼龍儼大庭  
為愛子喬笙鶴美月涼時許夜深聽

送虞伯生降香還蜀省墓二首

金  
卷二十一  
玉雪祠官貂帽低笑乘飛鴈上天梯寶幡繡重團金粟  
鈿合香嚴印紫泥官饌每供千歲鹿驛程深聽五更雞  
流沙可是河源地搖首揚鞭更欲西

丞相墳前雙闕摧泉聲隱隱柏崔嵬金牛已向秦中去  
銅馬空傳渭上來叢竹雨留銀燭淚落花風颺楮錢灰  
百年華表塵千劫聞道曾孫始一回

再次韻二首

振衣千仞笑雲低捫歷星辰履劒梯度坂正須三尺筌

入關應笑一丸泥神君祭重祠青馬墨客才工頌碧雞  
萬里遨頭端不負花開緩醉玉東西

閣道新平舊石摧望鄉使客意冤冤犀牛坐見降王去  
杜宇聲隨望帝來三卯錄成魂有燐五丁神泣劫揚灰  
推醜欲作鄉鄰會揮手先催弩矢回

送王繼學修撰馬伯庸應奉分院上都二首

玉京高處雪流脂連插雞翹綠鬢垂蹠躩有泥歌獨漉  
琵琶無夢說相思黑河舊樂催填譜白海名花擬進詞

羽獵上林俱罷賦卿雲何以報明時

淺坡平疊磧漫漫拂嶺青帘罨畫看羶屋起營羊腓熟  
土房催頓馬通乾桐官走驛傳金碗冰正分奩貯玉盤  
莫上鄉臺望南北白雲微處是槍竿

寄王儀伯太守

維揚太守文章伯故壘荒煙取次題逆浪風高淮白上  
寒沙雲落海青低極知后土花如雪不惜平山醉似泥  
跋馬使君官驛畔揚鞭却在夕陽西



次韻李伯宗苦熱

庭院無眠夜氣深  
繁星閃閃漏沈沈  
祝融煥火翻初劫  
姑射凝冰易舊心  
角枕雲蒸紋欲斷  
蠟鐙煙暖淚難禁  
蕭騷忽作還家夢  
翠木扶疎萬竹森

次韻陳海陰

三月雪花飛作羶  
春風似欲駐新年  
夢當好處成烏有  
歌到狂時近自然  
邨樹綠齊黃鳥界  
海山青盡白鷗天  
何人會得龐公意  
布領長披不上船

馬伯庸擬李商隱無題次韻四首

金縷歌殘月墮江  
玉顏曾憶侍油幢  
象牀雲重恩專壹  
鯨錦波翻賜疊雙  
春淺正宜羶作幕  
夜涼深恨魀為窗  
浣紗可是無靈匹  
側足寒溪濺石淙

翠簾匝匝護朱光  
千葉宮桃滿院香  
閨苑有鸞通尺素  
靈橋無鵲寄流黃  
上林賦罷歸巴蜀  
興慶詞工謫夜郎  
不是月中親度曲  
世人那解聽霓裳

相期來似石城潮  
日望晴虹結綵橋  
却月眉愁歌漸遠

凌波步近意非遙  
抽琴有恨迴清角  
疊袖無情轉綠腰  
弄玉最憐隨鳳去  
秋來誰與伴吹簫

白髮詞臣兩耳垂  
華腴堆吻陋牛醫  
宮娥引燭催麻日  
院吏傳更寫制時  
蠟撚化生秋夕  
賜翠標疊勝歲華移  
低頭欲說唐朝舊  
願侍虛皇進玉卮

送浦如淵辭官南歸

厭聽朝雞擁被吟  
吳船水滑碧千尋  
平洲種橘清霜重  
小墅栽花綠霧深  
瞿鵲真能談孟浪  
鴟夷端自愛浮湛

金方四月  
卷二十  
因君搖蕩還家思燭影秋房恨不禁

送巨德新四川省郎中

退食公庭日未西  
浣谿清雨換障泥  
籌邊舊式傳銅馬  
弔古新詩問石犀  
荔子綠陰鸚武過  
杏花紅影秭歸啼  
遨頭雅集須頻領  
不惜郛筒取次攜

送樂德敬甘肅儒學提舉

磅礴坤輿總帝圖  
手提文印化沮渠  
旋宮更問涼州譜  
尚右時通梵國書  
枸杞夜號端入驛  
蒲萄秋落易盈車

飛沙斜日頻回首歸鴈相迎亦惘如

過揚州憶昔四首

漢東之國古隨州一老昂藏死即休黑髮虎頭真骨相  
青春麈尾鬪風流人言謝傳為朝鎮誰信鍾儀作楚囚  
浩蕩乾坤納今古好將汗簡寫千秋

空遺蒸壤白如銀不見當年指畫因高視漢庭無出右  
清談洛學竟成真極知羽扇為癡具更恨烏衣是偶人  
六合車書端有意百年荆棘已生春

蕭蕭凍雨溼旌旄，猶著殷紅舊戰袍。  
金盃昔聞歸馬埒，牙牌誰有信龍韜。  
樓頭換箭鼓聲急，堂上傳盃歌韻高。  
到底奸雄有真態，木綿菴畔鬼車號。

四城賦擬張衡麗十鑑書同賈誼哀

公有四城賦  
江東十鑑

腹裏

春秋納雲夢，案頭今古起風雷。  
青山不受折腰辱，

舊尉  
慈溪

為郡守屬  
文翁勅去

白眼豈知徒步回

乙亥間  
道歸里

舟泊城南更回首

寒風吹淚下天台

此詩屬胡  
懷寧三省

觀物

黃河不信從天下濟水那知有伏流自古乾坤合神化  
空將簡牘費冥搜張華博物身終死鄒衍談天舌竟休  
我亦從今銷綺語春風碧眼玩沙鷗

玉堂合歡花初開鄭潛昭率同院賦詩次韻

一樹高花冠玉堂知時舒卷欲雲翔馬嘶不動游纓聳  
雉尾初開翠扇張舊渴未須餐玉屑嘉名端合紀青棠  
雲窗霧冷文書靜留取餘清散遠香

崔豹古今注青棠一名合歡今但名

合歡而青棠之名不著

觀閒閒齋紅梅次蘇公姿字韻二首

臘底飛靈瑞已遲天將絳雪報清時  
施朱可是良工手補袞端歸大雅姿  
溜溜溫泉傳賜浴斑斑辱井媿淪肌  
閉門已覺寒如許迴首江南竹外枝

雲閣香溫睡覺遲不堪殘角曉鐘時  
玉妃瓊屑難為從青女鉛華敢弄姿  
可怪鮫綃能幻色誰將猩血解填肌  
團團似就迴文錦薄莫凝愁下翠枝

次韻仲章舟中思南湖



綠陰濃處彩毫揮  
忽憶春殘理櫂歸  
約略晚花團錦幄  
招邀稚筍試斑衣  
長年客影如雲度  
五月湖光似雪飛  
從此清林供笑傲  
莫看迴鴈損天機

仲章詩律大進數日  
道中論詩亦頗相合  
復次前韻以勉之

氣劇屈賈欲平揮  
格律論詩要有歸  
石髓定成千歲乳  
藕絲空綴五銖衣  
寒原草盡蒼鷹攫  
涼月松陰白鶴飛  
從此窮河天已近  
還家何用詫支機

此下尚有次韻詩  
三首題云仲章詩

律已入唐人風調而下語猶未馴妥殆類唐人過橋斷  
橋之意近世學者類有此失仲章德業遠大當不若是  
此殆其弄翰也其詩中警句如苦心欲寄千年簡妙語  
誰傳半夜衣麒麟瑞世非關走鵲鴉呈空不為飛俱見  
古人相勉之意

# 清明

水落渾黃風晦冥不知節物是清明道旁新塚悲歡盡  
柳下長亭聚散輕門靜鞦韆歸燕逐沙寒簪箸過魚驚  
河南禁酒河陽飲醉醒相看總有情

## 宜遠樓

紫翠光中擁翠鬟分明倒影落西山遊塵自逐鐘聲去  
過雨能將月色還萬里關河新勝概一天星斗舊躋攀  
絕憐想像空題咏後會應須共倚闌

遊城南次韻陳玉峰

市橋水斷綠交加簇騎隄尋處士家坐聽蟲聲行木葉  
卧看雲影落簷花清晨采露筠籠重薄莫沾春烏帽斜  
一徑寒英端手種好烹晴綠代煎茶

次韻正旦會朝

閭闔春迴旭日鮮花光搖曳珮僊僊金蓮漏下催初刻  
玉筍班齊祝萬年香擁袞龍開黼座風迴笙鶴舞鈞天  
朝元法曲誰傳得歸醉蓬萊話日邊

昌上人遊京師欲言禪林弊事甫入國門若使  
之去者昌余里人幼歲留吳東郡遺老及穎秀  
自異者多處其地以予所識聞若承天了天平  
恩穹窿林開元茂皆可依止遂各一詩以問訊  
虎丘永從遊尤久聞其謝世末為一章以悼六

首

人說江湖少舊僧懸崖高挂一枝藤采苓欲取千年魄  
擊石曾烹六月冰天上星辰端歷歷胸中樓閣自層層  
相逢止說前朝事知是松源第四鐙

青鞵高挂天平壁指點雲門三兩峯禪榻已容黃葉覆  
詩瓢從把碧苔封曉風殘月千邨櫓細雨疎煙隔水春  
我向京城疑老盡吳山清淺越山濃

獨木山寮不出門一餅一鉢送朝昏巖迷鳥跡千崖泣

松吼龍吟萬壑奔  
掩息端如雞抱子  
愛閒屢見竹生孫  
海門月落寒潮急  
准擬乘槎與共論

玉几峰頭第一枝  
老禪吃吃我深知  
曾將鐵杵敲冰骨  
侶怪鉛刀割蜜脾  
法外無心猶涉解  
句中有眼即成疑  
袈裟不展蒲團穩  
此是開元妙總持

我識虎丘三十年  
精神霄漢鶻張拳  
機當危處即燒印  
語到盡時難續絃  
路涉兩岐空有泣  
谿流一滴竟無傳  
雙峰古樹蒼藤胃  
時有子規唬徹天

山人歸去意何如八尺方牀自卷舒側岸采茶敲石火  
隔峰翦竹溜清渠碧潭印月菱花鏡白鴈橫空貝葉書  
後日相尋定何處不于吳下即康廬

元日朝迴

萬國梯航滿禁衢卉裳象譯語音殊鳳簫聲送纖腰舞  
雉扇行分兩翼趨花氣欲浮金鑿落雲光疑下錦流蘇  
詞臣不識金泥祕點指薇垣頌六符

次韻周南翁退朝二首

蹕道聲迴覲后皇霞旌雙引拂朱光龜臺新按霓裳曲  
獸鼎重然甲煎香歌板遏雲穿泱泱酒車流水度汪洋  
重輪瑞世思齊聖傳信應須屬子長

雉尾高張擁玉皇彤庭金榜粲明光舞階飛絮呈

一作宣

滕六執衛

一作銑

傳臚轉阿香珠帽簫聲雙窈窕翠旌雲

影互方洋侍臣誰近前螭立願紀堯年化日長

早朝興聖宮次韻

萬馬東西甬路斜銀河初曙起宮鴉天香隨輦凝三素



風絮沾袍點六花銅史漏浮催卓午玉奴聲轉進流霞  
詞臣點綴瑤池事底用秋風海上槎

用早朝韻酬伯生試院見稟

玉署松深月半斜研朱和露勘塗鴉射熊心苦穿楊葉  
吐鳳聲清飽竹花過眼似迷三里霧騰身誰上九層霞  
故人掉首南山去應釣秋風漢水槎

寄城南友人

三入承明願已酬蓬瀛又復接清流碧牋時寫飛花恨

寶瑟曾傳細雨愁，夢遶故園追過鴈。眼穿鄉樹認歸舟，  
荼蘼落盡啼鵲急。慚媿羣公得縱遊。

寄史允叟

一作公升

故國王孫佩碧

一作楚

蘭春雲涼月倚朱闌，玉簫曲趁鸞

聲轉金鼎香隨蝶夢殘。碧沚

一作沚

波清

一作深

堪把釣黃

塵風急倦彈冠外家文

一作丰

采唯君在笑我冰髭跨曉

鞍

寄開元恩禪師

恩公遯跡閭門寺欲下繩牀謝不能露滴花光珠五采  
月涵江影塙千層石榴紅帽明如火海艾青羶冷似冰  
俛首西山人物論獨聽孤鴈對殘鐙

題郝伯常鴈足詩

深羈孤館鬢毛斑猛虎搖鬣障海寰玉樹已歌歸逝水  
羽書難射隔平山不須牴乳終回漢有學雞鳴詐度關  
一寸蠟丸憑鴈寄明年春盡竟生還

帛書稱中統十五年九月一日放鴈

中統十五年乃至元十一年也明年乙亥四月奉使還

小院四月十二日牡丹始開乃單臺花也余將

上開平作詩示瑾

暖風吹雨佐花開送我灤陽第四迴內院賜曾傳側帶

舊賞花宴有大側帶小側帶

江南畫不數重臺

徐熙牡丹無重瓣者至崇嗣始有之重臺

婢之下者見常談云耳

迴黃抱紫傳真訣婉白抽青陋小才自是

妖紅居第一他年折桂莫驚猜

韓魏公牡丹詩自慙折桂輸先手羞殺妖紅作

狀元魏公第三王堯臣第一

寄開元奎律師

雙堦亭亭透夕陽芭蕉深處碧窗涼江神夜聽光明偈  
天女朝分解脫香齋鉢午空烏守樹經臺雲冷鶴歸房  
平生欲結西方社似怪淵明作吏忙

伯庸開平書事次韻四首

沈沈掖殿內門西曲宴名王舞馬低桂蠹除煩來五嶺  
冰蠶却暑貢三齊金罍醅重凝花露翠釜膏浮透杏泥  
最愛禁城千樹柳歸鴉揀盡不曾棲

身如病鶴倦梳翎往事猶存舊汗青伏日賜冰來上苑

晚風傳竹度疎櫺承恩裁詔心抽繭落筆誅奸眼拔釘  
惆悵當今人物論披衣危坐望晨星

的的新愁漲碧波可堪跋馬上危坡明知風伯秋當路  
更候天孫夜度河沙磧共傳歌敕勒陰山那復見延陀  
周廷王會須椽筆慙媿陳人奈老何

馬足曾窮五色河更將舌本品浮槎新聲促軫傳三疊  
寶構懸鈴鎮四阿短榻鴈來愁不奈小窗人去酌母多  
白頭慵作東封頌願效諸生賦止戈

十一月十四日駕至京城楊仲禮有詩次韻

金輿清蹕發龍城  
乾雪坡陀甬道晴  
師起晉陽戈盡倒  
令傳代邸轡徐行  
鸞凰合奏雲光遏  
龍虎交章曙色明  
欲認雞翹新法從  
駝車深處聽鈴聲

安山曉泊

兩袖飛仙舞玉龍  
曉來朝嶽日華東  
門當楊柳灣灣碧  
水貼芙蓉岸岸紅  
隔艇茶香知楚客  
連罾魚熟總吳儂  
白頭已忘干戈事  
不用乘軒問土風

發御河

一櫂黃流去復回  
飛沙積岸雪皚皚  
梨花亂逐沙鷗起  
燕子深隨野馬來  
晚歲宦情初岸幘  
暮雲鄉思獨停杯  
茶蘼滿架留春住  
知我將歸為緩開

憶雙谿

清谿明處水交流  
萬井鱗鱗冠蓋稠  
杯凝玉光明月入  
幕遮翠影落花留  
雲生古洞千山雨  
風送層樓萬壑秋  
麗澤祠前最佳絕  
藕花零亂勝滄洲



信州招真觀二十八咏

錄五

鬼谷巖

縱橫太古石短長千歲藤感彼巖居子獨飲古澗冰

寒月泉

曉汲寒泉清明月各在缶缶空不見月引水復在手

玉簾泉

截玉作明簾不知簾外事應有碧眼仙隔簾見人至

月巖

顧兔樂嬉遨入地不得騁化為白玉泉彷徨返東井

丹井

金鼎閼寒泉真火彌不壞年深定飛騰子夜吐光怪

朱窩楊柳青地近滄洲余愛其名雅作古調三

首

朱窩楊柳青明日是清明地下不識醉悲歡總人情

朱窩楊柳青黃河瀉如注還俟飛絮時相同入海去

朱窩楊柳青自愛青青好亦如送行客相逢不知老

題應德茂遊吳紀事二絕

澗凍冰泉咽松懸月露清何人會真趣細坐與君評  
聽鶴鴛湖曉呼猿鷺嶺昏十年南北恨無語獨銷魂

六月二十四日夜夢剡源師同遊山寺主僧延  
入丈室出梅花畫卷賦詩旁有胡用章先生坐  
主僧下時剡源對席僕居其次案上綠竹一枝  
青翠可愛剡源賦詩桶即援筆

一白不受采重玄今罷論窗前有綠竹密雪打黃昏

題湖曲小景

穆陵御  
題詩句

卷二十

流水無言寂寂落花有意  
穆穆往事空餘華屋倚闌愁  
絕江南

送鄧師禹歸龍虎山

小帽飛花一寸輕舟流水三分  
落日獨歸洞口隔溪短  
笛猶聞

題美人圖

錄四

昭君

鬢影愁添塞雪花枝羞殺宮春誰道佳人傾國解從絕  
域和親

班姬

望幸眸凝秋水倚愁眉簇春山已悟篋中紈扇須看鏡  
裏朱顏

綠珠

金谷煙迷清曉玉簫春怯餘寒可恨花鈿委地當時莫  
倚危闌

張麗華

結綺塵空樓暗景陽春斷鐘遲紅葉無言在手同成井  
上臙脂

潛昭九日贈龍團次韻

月碾舊栽玉胯雲鑪溫浴銀芽九日殷勤相贈淡羅猶  
記金花

夜讀唐將遺事二首

合江雨暗裂珠旗鼙鼓瑟瑟怒促圍不是帝羆車上去

元戎那得袞衣歸

雉尾雲深漢殿開將軍鐵馬響春雷  
太平未睹恩恩去空憶君王白玉杯

童時侍先人泊京口旅樓一月正對江山樓繁  
麗特甚江津流民散處不可悉數今皆不復有  
追憶舊事因成絕句十首

碧瓦參差第一樓風旗獵獵喚行舟  
兵厨有酒真堪飲不學弓刀也白頭

紅袖娟娟舞旋齊鑾江一曲唱尤奇西湖院落曾翻得  
未識君王知不知

鐙火闌珊月色低少年乘醉馬東西樓頭畫角聲悲壯  
又聽歌聲促曉雞

白葦蕭疎野火焚流民草舍各星分沙田土瘦新耕得  
寧死江頭不作軍

朱門高插相風旗千里船行總得知稻米流脂江上去  
健軍何處是男兒



日日樓頭算酒錢，  
我冠太守號籌邊。  
鳴騶傳入丹陽館，  
為是行都過客船。

淮馬低，如果下騶。  
春風小隊打紅毬，  
日斜臺上人爭看。  
銀盃分明第一籌。

明月曾隨多景樓，  
幅巾長袖是清流。  
金焦山勢元相望，  
不揜諸公富貴羞。

劉改之舊有山掩諸公富貴愁之句

研山園下將軍宅，  
脫却兜鍪強學儒。  
聞說高堂擁紅粉，  
醉翻筆陣墨模糊。

白雲一片愁千疊此地重來百不如空憶當年覓梨棗

小樓燈火了殘書

先人課子最嚴時  
在旅樓不廢講誦

支家口

蕩底天鷺雜櫓聲南鄉今有幾長亭錢湖未盡滄洲興  
卧看荷花十二汀

古黃河口

溫溫河水似湯泉送我南歸意萬千入海定從天上去  
不知重會是何年

甓社湖

甓社湖中新水清風牽荇帶引帆行  
靈妃夜度霓裳冷  
輕折菱花翫月明

舟中得功遠瓊花露戲成三絕

瓊花瑞露十分清  
客裏相看眼倍明  
自是江南春色好  
錯教騎馬到京城

平生嗜酒不殢飲  
最憶停盃微醉時  
花下盈盈侶相待  
莫教春倒最濃枝

繡禧觀裏花如雪留取清陰待我來應有真真花底坐  
生香一曲舞三臺

送危功遠

居庸關外雪模糊簇騎分明似畫圖猶有深春後歸鴈  
見君曾宿洞庭湖

晚訪仲章不遇

小院春濃落照間碧簷相對乳禽還晚風陣歇遊絲盡  
留得歸雲在屋山

靜芳亭

簾外羣山當畫屏  
白雲如水度中庭  
松花落徑無人埽  
失却莓苔一半青

大年宿鴈圖

寒夜沙汀睡已成  
鴈奴翹首獨深驚  
朝陵閒說燕王事  
恨殺人間兄弟情

次韻馬伯庸應奉絕句八首

玄都觀裏桃花句  
沈香亭前芍藥詞  
今年春風似憐我

明年春風更相思

肥紅盈盈錦步障淺黃深深綠油幕絕憐舊嫁小娉婷  
一曲生香淚雙落

垂髻雙雙白馬郎看花不語愁晝長堂前有婦不肯守  
遍看吳姬與趙娼

小樓昨夜聽琵琶推手却手怨王家不辭遠嫁盧龍道  
可憐長城骨如沙

紅衣夜唱娑羅樹云是西天好兒孫吹螺日飲官法酒

笑渠騎馬傍人門

誰家弄玉矜少年采蓮艇子歌娟娟轉首那知顏色老  
猶抹橫雲啼鏡前

向曾六月桓州住雪歇前巖散冰樹王郎馬郎太愁生  
兩騎雙雙辭我去

烏靴窄窄稱宮袍雙鬢風翻見二毛聞道中山止十驛  
急須乘馬釀松醪

次韻繼學伯庸上都見寄二首

陰陰榭殿水雲蒼  
鵲風微夏日長  
渾似醴泉宮畔境  
千官齊立從文皇

紗縠單衣珮水蒼  
碧牋裁詔繭絲長  
日斜雙入通明殿  
雲母屏前對玉皇

錢舜舉折枝菊

醉別南山十五秋  
鴈聲深恨夕陽樓  
寒香侶寫歸來夢  
背立西風替蝶愁

葛仙翁移居圖



翁媼相攜入翠微  
轉頭猶有可憐兒  
丹砂不是神仙藥  
勾漏歸來鬢已絲

離宮圖

龍首渠開王氣埋  
淺沙殘草認天街  
當年金屋寒鴉聚  
時有耕人拾寶釵

子昂逸馬圖

神駿飄飄得自閒  
天池飛躍下塵寰  
青絲絡首誰收得  
留與春風十二閑

通史狀元以秘書滿職言歸泊然若無營者楠舊與殿廬詳定得通史卷氣完以充議者爭緘口今其南歸以子昂畫馬求言愴然以別吾徒之責深缺然矣至治元年八月二十九日楠書

薛濤牋二首

蜀王宮樹雪初消  
銀管填青點點描  
可是春山留不住  
子規聲斷促歸朝

十樣蠻牋起薛濤  
黃筌禽鳥趙昌桃  
浣花舊事何人記  
萬劫春風燐火高

宮女度曲圖

望瀛法曲紫霞觴更按伊州奉玉皇翠竹涼深宮院密  
新聲那得過宮牆

簡馬伯庸

象榻香濃翠幌春美人倦繡態橫陳平明欲進朝天鞮  
小立蘭鐙熨貼頻

開平第一集

并序

甲寅

延祐改元五月三日分院十五日始達開平得詩  
數篇錄示兒曹

居庸關

太行領羣山萬馬高下拜平巒轉城隍隱隱南北界危  
坡互交牙寒溜瀉泮泮陰風玄虬湧巨石忽地壞周遭  
青松根下有古木砦石皮散青銅云是舊戰鎧天險不  
足憑歷劫有成敗驅車上林杪出日浴光怪肅肅空巖  
秋天風迅行邁

雨中度南口

山寒絕禽鳥獨聞子規啼石壁飛雨驟衆木搖淒淒瘦

馬蹴亂石高下齧其蹄陟嶽沮如深漸覺所歷低暝色  
起亭午土屋流寒泥須臾過雷聲倏忽生晴霓水清亦  
可度戒僕踰前溪

度懷來沙磧

沙清圓石瘦千里聞風聲驅此殼棘車索索莎雞鳴遠  
山列翠席近坡環碧城高下各有險轍跡那由平驚兔  
導我前歷錄為之驚天低雲搖蕩土曠塵縱橫謬膺翰  
墨選遠行有期程迴頭望南坂初月隨風生

龍門

瀚海雙龍鐵鱗甲卷壑挈雲蹲翼闕千泉百道湊東南  
急雨翻空迸晴雪古言神禹功最多導山鑿石疏九河  
幽都之地不復顧乃使雙龍下地成盤渦陰風何颼颼  
磅礴太古秋懸崖落車礮怪木森戈矛碎沙晴日鋪金  
甌云是昔日當關挽勁之僕姑寒泉組練結九曲亭午  
赫日光模糊車聲何鱗鱗昨宵急水迷無津垂堂之言  
猶在耳遊子商人行不已子規徹天呼我歸翠華北幸

那得辭龍門之石高不磨泚筆書我龍門歌

彈琴峽

在居庸

寒泉飛玉峽誰彈使成聲下有戰士骨嗚咽水中鳴絲  
石本異調摩夏生虧成鑿跡匪神禹佳兵構秦嬴駐馬  
為聽之逝者何不平虛北納新雨急促濁復清重華初  
省方百神靜相迎為作薰風絃散彼巖下情

雲州

天闊雲中郡剛風起沈寥氈房聯澗曲土屋覆山椒  
檀

布朝朝市通薪戶戶燒遙看塵起處深羨霍嫖姚

金主畫孟浩然騎驢圖

生前明主已遭嗔身後君王為寫真家國總緣詩句廢  
灞陵猶勝蔡州塵

李陵臺

雪衮寒沙風衮灰眼穿猶上望鄉臺隴西可是無迴鴈  
不寄平安一字來

開平第二集

已未



登候臺

蜿蜒西龍岡綠草搖晴波旁有雙玉井石角增嵯峨明  
良佐神運目力窮坡陀層垣睥睨雄寶構通義娥昂昂  
鐵竿聳飛鳥光盪摩土屋粘蜜房文璫圍錦窠緬思皇  
猷遠默止松林戈匪以清暑游跋履勞鳴珂陰森晚色  
晦寒沙聚羣駝悲笳月初上戴斗瞻天河

上京雜咏十首

雲護中街日風開北戶天千溝凝白雪萬竈起青煙午

溽曾持扇朝寒却衣綿松林空有界翦伐不知年

土屋層層綠沙坡簇簇黃馬鳴知電急鴈過識天涼墨  
菊清秋色金蓮細雨香內園通閤苑千樹壓羣芳

天闕虛無裏城低納遠山白榆迷鴈塞青草補龍灣市  
簇家家近官清日日閒重遊深問俗漸恨鬢毛斑

舊歲寒冬惡霏霏土雨迷門荒懸馬革草淨絕牛蹄列  
帳煙光慘空營月色低縣官捐粟帛歲晚得扶攜

上國饒為客天涼眼倍青白魚沙際網黃鼠草間翎芍

藥園紅斗摩姑綴玉釘漸知塵骨換振佩接青冥  
天錫清涼國晴霞綻雪峰月低疑墮兔雲近得攀龍寶  
鑑頒冰徹筠籠賜果封白頭貂帽客為我話深冬

駝鼓邛邛應傳更趣進程草肥涼露白樹薄曉風清帳  
殿橫金屋檀房簇錦城屬車流水度細點侍臣名

伏日瓊林宴名王總內朝帽尖花壓翠衣角錦圍貂炙  
熟牛酥茱醅深馬乳澆柘枝旋舞急宛轉稱纖腰

市狹難馳馬泥深易沒車凍蠅爭日聚新燕掠風斜晚

汲喧沙井晨炊斷木槎閭閻通茗酪俗簡未全奢  
長夏崇真館疎簾灑靜便支頤推萬古止息契重玄月  
窟窗如雪天瓢酒似泉主人憐老客下榻不曾懸

再次韻十首

帝京環陸海平野接冰天龍吐青林火狼沈紫塞煙風  
花秋黯澹雲葉雨連綿昔日君臣意深符卜洛年

寶閣凌空涌金壺映日黃梵音通朔漠法曲廣伊涼御  
榻惟經帙宮鑪獨篆香吾皇清淨德銀管願垂芳

高下雲中樹疎明雪外山坡凹茅結屋巔轉水回灣禁  
路分馳道沙場當內閑通明風露冷時許侍清班  
晨起儀臺立煙青望眼迷草低鷹側目車逼馬迴蹄風  
勁弓弦直泥融柱礎低蚊蠅深斂跡塵尾不須攜

紫極中天正森森接帝青鴈歸傳帛信雉落舞紅翎寶  
所金千頃朱門帶萬釘瀛洲清淺處高坐納空冥

昔年曾扈蹕宿直對鰲峰錦掣蘭苔翠波翻墨沼龍起  
居青簡注除拜紫泥封共說先皇日千官總住冬

土驛高低置蒼茫七日程馬通分熠燿牛酪注深清殘  
雪明珠闕繁星列火城前山黃白處草藥不知名

千堞蜂腰凸羣山馬首朝沙場調俊鶻草窟射豐貂鬧  
舞花頻簇狂歌酒恣澆今年春事減土舍雪齊腰

箭落驚遊騎鈴傳督運車土風殊楚越驛道仿褰斜細  
雨三更枕清秋八月槎夜聽絲管急漸習五陵奢

長齋孤館靜捧腹睡便便酒斷眸凝碧塵深鬢返玄凍  
蜂粘暖草乳燕啄冰泉過翼時頻數鄉心日夜懸

松林行

陰陰松林八百里昔日相傳為界址  
玄雲卷甲天馬來雪兔霜狐先委靡  
山前犬牙十六州石郎屈膝輕相投  
淺沙圓石古轍跡草青草枯無盡愁

闕

拂天鎮南北

萬井爇松煙似墨大車

闕

龍角全小車輪困束矛戟

松花落子

闕

復抽不如昔日當道稠采薪之人不辭

闕

出郭十里爭相酬君不聞雪山之西銅柱南  
混同鴨綠成東漸金山橐駝爭貢寶翦取平  
林作馳道



開平第三集

井序

辛酉

至治元年二月庚戌至京城壬子入禮闈考進士  
三月甲戌朔入集賢院供職四月甲子扈蹕開平  
與東平王繼學待制陳景仁都事同行不任鞍馬  
八日始達留開平百有五日繼學同邸八月甲寅  
還大都得詩凡六十二首道塗良勞心思彫落姑  
錄以記出處耳是歲八月袁桷序

次韻繼學途中竹枝詞四首



紅袍旋風漾金泥車前把酒長跪齊忽聽琵琶相思曲  
迎郎北來背面啼

檀房錦幄花簇勻酥凝疊餅生玉塵晚傳宮壺檀板急  
酒轉一巡先吐茵

土屋苦草成屠麻前牀翁媪後小姑我郎南來得小婦  
蘆笛聲聲吹鷓鴣

閭闔雲低接紫宮水晶涼殿起薰風侍臣一曲無裛操  
能使八方歌會同

戲題樺皮

褐裳新脫玉層層紅葉朱蕉謝不能擬製小冠韜短髮  
意行雲水一枝藤

龍虎臺

羣山朝宸居層臺納靈秀百泉暗東西千嶂明左右

沙磧

水多伏流

先皇雄略深省方歲巡狩翠華懸中天問俗首耕

耨沈沈貔貅壘濯濯鷹犬數前行節駝鼓執御各在手  
侍臣仰天威長跪四方奏往聞父老言羅拜上萬壽山

桃與黍酒啟齒時一嗅乘雲去無蹤過者必稽首登坡  
望儲胥紫氣徹牛斗

桑乾嶺

茲山西北來旋轉十二雷昔人望鄉處生別何崔嵬我  
來坐絕頂雲漢森昭回出日騰金鉦積露流銀臺長空  
不受暑雪花散皚皚羶車引繩過屈曲腸九迴微蹤媿  
三至南望心低回長風馬耳迅何當賦歸來

龍門

蒼厓出雙闕羣山頰首尊陰風起晴雷摩盪晝日昏鐵  
峽擁偏仄百川為之奔疑下有龍湫逞怪蹲天門渰兮  
出膚寸頃刻黃流渾側徑出石壁巨浸存遺痕緬昔設  
天險事久難窮論征衣襲輕雨神君儼雲根

曉發

蓐食慎王事曉星當前戶跨馬官道行細草泣寒露亂  
石鳴琮琤啼鳥守荒樹行行未十里問堠坐當路年衰  
脛力拘望遠彌窘步天風卷飛蓬白日互吞吐深知非

世才歸畊誓先墓

合門嶺

寒沙高岡聚積溜開土門地媪神功竒茲焉奉帝尊先  
皇歲巡幸屬車爛華軒令嚴植前茅高下相攀援魚貫  
別後殿蟻行定前屯飛丸落千尺瞥裂驚危轅履險深  
自持人情戒居安寒雲蔽出日去去踰前邨

灤河

近山馬昂髮遠山鳳騰羽百谷奔亂流屈曲長虵赴維

時雨新過急溜槽牀注居人滙為井千屨集沙步寒光  
澄玉膏甘冽過牛乳茲泉成白溝巨浸合沮洳蓮芡充  
餽糧魚蝦足租賦塞翁話疇昔陋彼成險固往事不復  
論沍沍日東去

楊花曲

上都楊柳瘦且堅葉葉不展圓如錢年年飛花作端午  
遠客乍見心茫然上都飄雪不知數此花與雪相旋舞  
黃鸝聲絕孤鴈鳴萬騎千車互來去手攀短條心欲絕

宛轉成球恨初結寒風飛蓬卷車輪點點相亞隨明滅  
南鄰蕩子衣夜單曉望出日如黃綿辛勤掇拾不敢棄  
願刮龜毛同作璣

裝馬曲

綵絲絡頭百寶裝猩血入纓火齊光錫鈴交驅八風轉  
東西夾翼雙龍岡伏日翠裘不知重珠帽齊肩顫金鳳  
絳闕蔥朧旭日初逐電迴飈斗光動寶刀羽箭鳴玲瓏  
鴈翅却立朝重瞳沈沈梭殿雲五色法曲初奏歌薰風

酏官庭前列千斛萬瓊瓦蒲萄凝紫玉駝峰熊掌翠釜珍  
碧寶冰盤行陸續須臾玉卮黃帕覆寶訓傳宣爭頰首  
黑河夜渡辛苦多畫戟雕闔總勲舊龍媒嘶風日將莫  
宛轉琵琶前起舞鳴鞭靜蹕宮門閉長跪齊聲呼萬歲

次韻繼學竹枝宛轉詞二首

聞郎腰瘦寄當歸望盡天邊破鏡飛昨夜燈花圓似粟

倚門不肖

一作  
停却

送郎衣

年年河鼓度天津郎在灤陽見得真今夕定知郎到日



桂花浮魄滿香輪

約八月十五日抵京

開平第四集

并序

壬戌

至治二年三月甲戌改除翰林直學士四月乙丑  
出健德門買小車卧行八日至開平舍於崇真宮  
有旨道士免扈從宮中闕無人聲車駕五月中旬  
始至書詔簡絕僅為祝文十三道

已入內制

悲愉感發

一寓于詩而同院亦寡倡和率意為題得一百篇  
閏五月上幸五臺山以實錄未畢趣史院官屬咸

還京是月丁巳發癸亥還寓舍五月灤陽大寒閏  
月道中大暑觀是詩者亦足知夫馳驅之為勞隱  
逸之為可慕也六月丁卯朔楠叙

端午日繇車中抵開平客中三度端陽愴然有  
懷

居庸昔日逢端午子規聲聲勸歸去舊歲灤陽萬壽宮  
九節菖蒲泛瓊醕今年車中飽掀簸盲風北來雨如注  
沙坡馬鬣高下迎土屋魚鱗先後附舊家松篁百尋碧

蒼筤花前石榴樹停車俛首不得語鄰牆簫聲雜駝鼓  
勞生得意同蝸牛舊厯却行等蠅虎

天鷲曲

天鷲頸瘦身重肥夜宿官蕩羣成圍蘆根唳唳水蒲滑  
翅足斃曳難輕飛參差旋地數百尺宛轉培風借雙翮  
翻身入雲高帖天下陋蓬蒿去無跡五坊手擎海東青  
側眼光透瑤臺層解條脫帽窮碧落以掌疾搥東西傾  
離披交旋百尋袞蒼鷹助擊隨勢遠初如風輪舞長竿

未若銀毬下平坂蓬頭喘息來獻官天顏一笑催傳餐  
不如家雞柵中生死守免使羽林春秋水邊走

客舍書事五首

客景真愁絕淒涼倍舊年草穿沙背縮雲住屋頭偏竈  
冷廚煙溼窗低簷溜懸畏寒難出戶盡日得高眠

愁極吟肩聳塵深望眼迷屋隨冰上下山趨雪高低乾  
酪餅爭挈生鹽斗可提日斜看不足蹋舞共扶攜

蟾影穿窗蠹龍光拂席流淒清三伏暑浙瀝九天秋水

惡停泥井冰堅宿瓦溝年年遊上國那識望鄉愁

禁堞防危石官衢漾淺沙犬能搜兔窟馬解避駝車童  
翦青蔬甲僧分墨菊芽飄零堪慰藉小雨墊烏紗

宿霧成疎雨寒蓬卷細塵雲飛疑到地草長不知春香  
几蜂喧密花房燕語真白頭關塞外猶作未歸人

### 華嚴寺

寶構熒煌接帝青行營列峙火晶熒運斤巧鬪攢千柱

相杵歌長築萬釘

殿基水泉湧沸以木釘萬枚築之其費鉅萬

雲擁殿心團

寶蓋風翻簷角響金鈴  
隄知帝力超前古側布端能動  
地靈

行路難二首

桑乾嶺上十八盤  
赫日東出紅團團  
回首平田樹如髮  
北去沙石何彌漫  
青帘高低知客倦  
勸汝一杯下前坂  
馬蹏護鐵聲琮琤  
帖石朱闌列危棧  
度嶺林昏泊官驛  
冰湧虛泥踰五尺  
馬行猶知泥淺深  
重車沒蹠路莫尋  
敝裘蒙茸蘇季子  
兩足重趼行不已  
一朝佩印何累累

列鼎腥羶夸國士班生遠出玉門關被甲夜度隨黃間  
飛沙擊面燕領失晚望落日思生還書生守株鐙火勤  
終歲不通南北鄰一朝安車入關內老不能言願求退  
視草堂歲久傾圯述懷

視草堂前草木青微臣三入鬢星星壞牆雨透蝸生角  
舊竈泥深菌露釘深恐雨鐘催曉箭獨聽寒殿響風鈴  
堂堂諸老冰漸盡病叟應歸種茯苓

翰林故事莫盛於唐宋聊述舊聞擬宮詞十首

金夕口  
卷二十  
禁鐘初動趣傳宣  
衣袖薰香到御前  
漸近宮前扶下馬  
內官分引導金蓮

御筆圓封草相麻  
龍牋香透擁金花  
儀鸞敕設庭前候  
賜酒方終更賜茶

制草塗鴉未敢刪  
內璫宣引侍龍顏  
已分筆格金蟾滴  
更賜端溪紫研山

春帖分裁閣分多  
宮娥爭餽纈羅青  
絲菜并銀盤送  
幡勝新題墨旋磨



文思如泉涌墨林屏風院吏不須尋舊時內相諸孫在  
猶有當年埽閣金

入院聽宣席未溫賜金已向案頭存

故事入院傳旨畢賜葉金十兩始草

制清晨上馬還家去內出黃麻付閣門

清馥香溫酒玉脂祝文已撰報都知夜來奉旨傳丞相  
五朵雲濃押省咨

天孫夜度玉潢清內托銀盤涌化生秋思未多團扇在  
擬題宮怨月分明

盤雕暈錦是冬衣  
鵠炭初生酒力微  
聞道邊臣風雪苦  
口宣臘藥布皇威

贊書謄副節樓前  
筐篚盈庭邸吏傳  
深恨葫蘆陶學士  
受渠犀玉索金錢

五月廿六日大寒二十二韻

地界幽都正風傳  
委羽來陰機  
堅積沍空窾起荒埃  
炎帝辭施設玄神  
擅展裁氣疑翻溟  
滓勢欲壓恢台北  
戶嚴雲結中街宿  
霧霾睫流驚炙轂  
呻吟訝銜枚野曠  
狐

歸穴林荒雀下臺趁虛人瑟縮走驛吏徘徊舊篋裘頻  
索殘鑪火易灰當陽紈扇棄薄莫酒尊催牛喘猶瞻月  
龍藏敢挾雷曉吟肩峭直午睡髮毵髭締綌聊增襲簾  
帷莫浪開鼎溫延上客竈煬集羣孩烏認南枝宿駝鳴  
北路回沈寥河漢接慘澹雪霜堆重甲身僵仆銖衣說  
詭誕已知鄒子的更覺杜生哀澤國朝曦赫畬田溽雨  
催鴻鈞陶石爍金鑑煮冰摧舊俗慙卑窘新聞騁博該  
廣寒今已到姑射不須陪

皇城曲

堂堂瞿曇生王宮幼年夙悟它心通梵書未睹口已誦  
底用城闕窮西東淨居老人幻境異故作恐怖生愁容  
世間習妄了莫喻要以神化開盲聾歲時相仍作遊事  
皇城集隊喧憧憧吹螺擊鼓雜部伎千優百戲羣追從  
寶車瑰奇耀晴日舞馬裝轡搖玲瓏紅衣飄裾火山聳  
白傘撐空雲葉叢王官跪酒頭叩地朱輪獨坐顏酡烘  
蚩氓聚觀汗揮雨士女簇坐脣搖風人生有身要有患

百歲會盡顏誰童西方之國道里通至今生老病死與  
世同

龍門

君恩八度過龍門眼見蜿蜒守黑雲漠漠沙田荒礫滿  
空將霖雨一溪分

清容居士戲題開平四集云開平四集詩百首不是  
故歌行路難竹簟暑風茅屋下它年擬作畫圖看又  
王士熙奉題開平百首詩後云玉海雲生貝闕高騎  
鯨人去采芝遨灤江一夕秋風到瑟瑟珊瑚涌翠濤

青閨怨

此首從體要錄入

妾家住在湘江曲門枕湘江春水綠年年長是暮春時  
兩岸人家啼布穀自君話別湘江頭獨上層樓彈箜篌  
蛾眉不埽遠山碧滿隄芳草春正愁舉頭不見君但見  
湘江雲江雲聚復散妾心空如薰舉頭不見君但見湘  
江水江水去不回妾顏為誰美湘江雲湘江水雲水悠  
悠何日已舉頭望君君不回門前楊柳空依依

至治癸亥八月望日同虞伯生馬伯庸過槍竿

嶺馬上聯句

有嶺名槍竿其上若棧閣白雲亂石齒青峰轉帘脚積

冰太古陰出礦無底壑馬飲沆瀣泉鷹盪扶搖幕轍迹

委垂紳人聲發虛橐鳥飛接鳥背羽沒疑虎鄴

一作膊

霧

松秋髮長霜果春頰

一作紅脂

薄升樵不知疲獨往端有愕

兢兢矛頭浙扞扞井口索凝睇見日觀引手探月廓南

下眇塵海北廣終沙漠金橋羣

一作迎

仙迎

一作游

玉幢

一作作

寶璫百神鑿禽鳴蜀帝魂鐵鑄石郎錯鈎鈐挂闌干

一作闌干

挂鈎

衡攬槍斂鋒鐸屬車建前旄馳道徇嚴柝載道三人

行弭節半途却

送曾編修同王繼學聯句

竒鶴慕南雲  
俊鶻欣北雪  
行藏龜左顧  
去住坂九折  
纂書墨兵從  
擬制銅史挈  
佩委松籟  
回冠莪星光  
徹甄花窺日  
輪井藻旋風  
鐵歸思紅葉  
高家憂紫荆  
裂晨裝發五  
兩夕祖謝駟  
驥沙明石痕  
瘦川遠桅影  
列吳歌導鷗  
舞楚製慘鶉  
結汀葭青女  
臨岸橘黃人  
揭組練危瀑  
懸簫磬古灘  
咽詩箋江神  
幻目送山君  
別炯炯雁集  
洲挺



挺鶴鳴垤賈颿魚貫直僧屐鷺飛滅前坡指迎帽舊墓  
拜表碣明知紹世譜詎肯逐宦轍兒孤文襁昏女乳粉  
鈿涅深思振鵠原後盾超鳳穴過都塊非歷去魯浙豈  
接歌驪念睽違瞻瞻數盈缺

袁衷詩附

衷字德平與伯長為族兄弟善書法隱居沙家山  
常作求志賦以叙次先世遺業詩多失傳并附聯  
句諸作

東湖聯句

舊學蕪三史新居隘一廛煎熬魚吻轍奔竄鳥驚弦擬

整登山屐

伯長

須乘破浪船出關塵已遠

德平

過埭意

爭先歸舶攢桅聚

伯長

浮梁斷鎖懸潮渾江葑沒

德平

塍破岸藤纏戍柵依樟密

伯長

官隄砌石平機間蠶喚

織

德平

砧響鴈傳箋乍靜喧煩耳

伯長

猶欣輶轉眠鵲

橋華屋廢

德平

鵝匯曲河連稻實閒農具

伯長

嵯巖絕

竈煙急裝紅蔽膝

德平

辮髮黑垂肩估客編文貝

伯長

邨家緯木棉生涯疲剝割

德平

世路窘迫遘龕室休行

客

伯長

郵亭歎逝川鞬鷹圍獵罷

德平

聯騎縱游旋路

轉分支港

伯長

川明幻別天鄮城花已暗

德平

甬水恨

空傳數堠搜唐刻

伯長

題詩紀宋編會堂夫子像

德平

汲井隱居泉海眼藏龍窟

伯長

山心射鹿田水鳴知櫂

急

德平

岸走訝途遷隱見岡巒近

伯長

低昂橘柚鮮青

山猶五里

德平

綠樹已千年歸犢如雲擁

伯長

閒花似

火然苧裳遊女淨

德平

蘆管野伶妍繫纜披團氅

伯長

循溪舍竹篴徑香幽菊傲

德平

土薄假山偏鐙火精廬

古

伯長

衣冠故物全登門論子姓

德平

對坐叙姻聯金

魄篩窗影

伯長

丹砂養井淵螢飛光熠熠

德平

鶴唳翼

涓涓斗室橫烏几

伯長

方牀藉素氈魂清時入夢

德平

意得竟忘筌過墓成局戶

伯長

遵湖復扣舷滄洲迷秀

麥

德平

真隱拱朱椽碧洞諸天杳

伯長

蒼珉帝畫鑄梯

危頻縮武

德平

像寂且擎拳紫府商霖歇

伯長

丹書漢

澤宣銅鋪苔暗蝕

德平

經度燕新穿倦鳥辭枯柳

伯長

游龜戴旱蓮古奩開激濫

德平

斜穀縐漪連淤塞菱排

劒

伯長

洲乾蓼糝鈿官徵都尉粟

德平

漁納水衡錢王

絕山靈泣

伯長

祠荒野老憐紙旗鄰社鬧

德平

草廣曲

河填此去真聊爾

伯長

斯行信偶然柏幽藏魍魎

德平

潭黑衮蜿蜒雅興呦呦鹿

伯長

勞生跼跼爲攬芳真嚼

蔗

德平

寫絕擬和鉛轍跡蕪菁翳

伯長

麻綦臬耳緣貞

娥鬱龍虎

德平

胄相紹貂蟬宰木分神隧

伯長

思亭列

石筵風霜翁仲老

德平

香火釋迦專楚些招歸魄

伯長

王官慨昔賢拜峰誰控勒

德平

篆水自書玄屈曲東西

路

伯長

縱橫南北阡緜華眸轉電

德平

得失口垂涎絮

酒悲宗老

伯長

囊經想地僊房溫連梵唄

德平

市近接

腥膻破露生衣溼

伯長

登坡弱足胼卧牛遺扁暗

德平

眠鹿繪容虔金刹從茲訪

伯長

塵纓合少蠲伐山靈運

躁

德平

衝雪子猷顛檜煖蜂偷蜜

伯長

蘆寒鳥啄綿蟹

稀螯數百

德平

樵夥斧論千淡日收人影

伯長

空嵐漲

土埏蒲葵遮望眼

德平

繭紙論吟篇除道家僮嬾

伯長

偷程地主僇蟻封徒曲折

德平

駒隙漫拘攣碎石行行

直

伯長

修篁个个圓深叢驚雉翠

德平

夾徑聳楠梗濯

錦芙蓉豔

伯長

飘香桂子駢雕楹回複道

德平

斜閣布

陶甄刻畫功難盡

伯長

翬飛勢欲翩奉常陳劒履

德平

尚服錫紘縵幃織鮫人網

伯長

帷凝罽國旃妖姝汗粉

頰

德平

土偶聳高顙祛石當時力

伯長

臨淵昔日權只

今留舊業

德平

何處覓幽禪燕領風雲會

伯長

龜跣日

月躔蛛窠緣袞服

德平

鼠跡上朱籩累僕供朝沃

伯長

因僧進午餐佳城蹲五鳳

德平

素業廢三鱣勝已窮蘭

若

伯長

名猶慕倕仝臺空霞珮冷

德平

殿寂羽幢薦觀

主何年住

伯長

真宮永世鍵畫梁誰復葺

德平

美蔭久

頻脫木已非真李

伯長

僧宜賤壽錢悲來雲冪冪

德平

恨極水潺潺重嶺藏椒屋

伯長

斜暉指蕙楊暫歸心未

穩

德平

欲去眼空眩憶昔窮誅闢

伯長

如今猛棄捐慈

山名轉赫

德平

困塙恥誰湔積翠林霏悄

伯長

流波海

月娟遠鐘催宿鳥

德平

橫笛挂烏撻拄笏風騷負

伯長



攜壺主僕牽情裏同黍醴德平 臭味比香荃圓澤休論

舊

伯長

華胥復記前乳彪號澗側

德平

哀狄嘯雲巔悖

族盤餐盛

伯長

通家笑語聞鷓鴣歸槩熟

德平

舴艋逆

風沿濟勝應難促

伯長

臨流且賦遄鳩夷歌逝矣

德平

漁父卜終焉紫槿遮籬角

伯長

丹楓壓廟堧鍊形金骨

化

德平

團礎土砂堅破屋啼山鬼

伯長

荒碑立老鸛歲

時羞野賽

德平

水旱禱靈筭西帝澄金字

伯長

東湖鑄

玉璫涼颼舟泛泛

德平

晴日草芊芊射鴨紫長弋

伯長

叉魚擊短鋌酒廬橫矮甕

德平

屠几斫肥拴街市僧袍

麗

伯長

招虛販鼓齎登臨難婉戀

德平

想像費平銓更

欲南窺海

伯長

誰能北跨燕同心雙繭緒

德平

徇俗走

珠蟪朗鑒詞聯寫

伯長

玄談茗更煎翱翔誠放浪

德平

匍匐類狂孱已乏凌雲句

伯長

時思縮項鰻還家如夢

寐

德平

共點曉霞邊

伯長

九月望日送姊歸余氏先塋之廬登其高祖少師墓  
相傳為外高祖忠定王所相余氏之興兆于此支塋  
為尚書公墓亦為佳兆十六日早發遵山行一二里  
拜外舅之考待制公守墓僧畏祇迎閉關叩之終無

人聲山勢左行清興未已借余菴舟過東湖上外曾  
祖忠宣公滄洲堂故基悽惋久之舟上埭余與德平  
行至月波忠定王所建寺後有洞像補陀示相舍舟  
登葉夫人八行太師墓又上五祖堂觀招魂辭莫抵  
鹿野拜正肅公祠奠永州几筵行久殊為疲勞是夕  
德平抱兒相示眉宇修廣予許以永大十七日平明  
過種德拜正獻公墓讀楊文元公碑菴僧洒然非鄭  
氏菴比是日德平攜壺同菴僧指游領大慈七山有  
僧年七十餘能道嘉定紹定間事示忠宣公所製滄  
洲堂上梁文益重遠想拜忠獻王墓歸復宿鹿野嚴  
君命以十八日歸歸游鮑王祠日已是余親翁病瘥  
復留宿詩成凡一百二十韻錄華感慨悉紀于詩詞  
雖不工然二人綴緝之勤有不可不示于  
好遊者用識于後云己丑十月某日楠書

## 遠遊

壬寅冬與伯長同留  
姑蘇時伯長將赴都

海鵬跨南雲一去扶浩蕩宛駒踏北雪絕足追罔象宵

征車載脂

伯長

明發燈在幌行邁念悄悄離愁裏養養

違吳始接浙

德平

過越類

一作猶

指掌蛛網結遐

一作長

思

羯鼓促新響觴至不復辭

伯長

駕逸誰能仿明堂企棟

梁武庫輸

一作須

篠蕩氣合芝蘭芬

一作材同瑚璉英德平

學媿蓬

麻長大施朱弦清小薦金莖沆雲間鶴孤唳

伯長

天外

鴻橫上曉舲斲層

一作輕

冰午店憩平壤追攀瞰煙濤

德

平

涉歷走塵鞅長淮橋帶螭薄霧裘驕駛風臺牛一鳴

伯長

日觀雞三唱團桑沃如蓋宿草亂若緇青帘客沾

酒

德平

素鬣漁收網心觀洙泗流眼豁恒岱爽追程騎

侵星

一作雲  
伯長

勸耕農植杖俗厚喜豐登氣俠存慨慷伊

河既東流

德平

維斗復北仰誰云風土殊始覺宇宙廣

骨聳終超騰神清何懍懍釣天夢非真

伯長

廣寒步空

想銖衣入閭闔芥粒視北垞千官紫府榮九奏彤庭昶

摘文翦金炬

德平

展采簇天仗清都踰咫尺弱水漫方

丈絳旂雲霧開寶扇日月晃仁聲被八表

伯長

德意蘇

一作昭

羣枉泥檢極封崇芬苾嚴肸嚮瑞氣藹重重泰階

瞻兩兩馳峰出天厨

德平

裏蹠錫中帑鳴珂接俊彥正

笏嫉

一作遠

偏黨德人笑采芝逋客棄拾橡茅拔要有方

伯長

矢來本無嚮湘纍但瑰詞越相僅金像遭讒氣徒

憤得計身何往豈如及承平相與窮昭朗君行步飄飄

我滯心悒快輕霜著衣

一作裘

帽

德平

微霰點

一作雪留

草莽

離歌起蒹葭古製出

一作却

盆盎先登匪十獲後至激孤

獎城南鐙火深

伯長

塞北音書睨東

一作春

風漸披拂臘

水初

一作將

澠養詩成愈加險酒盡未為彊雙眸秋水炯

德平

累語春波盪經行度崎危交友希倜儻羈遊棄楚

荒遠客憐齊愴光陰尺璧重

伯長

事業千金賞行還雁

塢題復睹鴻都榜時來戒步窘事至勿技癢脂韋本凡

近

德平

鐵石乃忠讜詞林納疵美書田課荒穰列仙會

儒癯羣仕趨吏駟陸生強咿嚶陶令終骯髒貞心百壬  
辟正色上帝享徒為捧心施莫學畫眉敞功名要無心

造物端有相行行遂初志作事記疇曩

伯長

秋雪聯句

九月十五日  
同伯長繼學

卷二十

金神縮兌澤水妃表玄英西郊散冰粟北戶垂珠璚三  
登發重瑞六莖凌孤清白藏縞衣舞顙氣霓裳呈楚客  
迷望眼羌戎候軍聲桂粉靈杵飛穀精露囊盛降霜鄒  
子憤停日陽侯爭澄霄鶴失頂空江鷺搖晴菊貞返素  
朴木落超空明鏗鏘商籟諧大小藍璞成蒼花賸壟畝  
梅蕊光檐楹初疑蚊蚋集漸覺鵝鸕迎漢盤結夜濯韓  
堂滅宵檠陽和趨報社嚴凝儼書正掩袂青女辟沾巾



素靈驚擊鷹眩莽蒼樹羽登崢嶸長楊散旃屋五纛增  
門閤絮團柳殘葉鹽裹荷留莖鉛飄孀娥匣旄落少昊  
旌井梧炫銀牀庭櫻轉珠纓萬入西帝遊六變坤母寧  
初驚遽然至忽訝乃爾輕單衣亟搗素黃裳倏飄瓊陶  
姬却帳暖唐皇咽簫橫昊天有正命殺氣何橫行沈沈  
宸居肅兩兩台階平朔吹偶先集澤雷久藏鳴碩果理  
固在飛葭澹無營

送仇仁父分教溧陽兼寄張仲寔


往讀大歷才子詩常恨諸人不公卿當時將相漫豪舉  
誰如千年麗句留佳名破帽飢吟孟貞曜一尉辛勤晚  
初調至今山水餘妖妍尚有當年賦詩料廣文清絕非  
警曹況君意氣凌雲高翼宮寬閒衿佩集底用如彼雕  
鐫勞丹陽湖西足煙樹想像昭關遁迷路六朝舊迹徧  
蒿萊盡是諸賢醉游處人生自古并合難詩人今日盟  
未寒聯珠粲比百里聚會見卜史昂頭看西秦公子眸  
炯炯陽羨三年官舍冷憑君為我致相思行矣追尋嘯

煙艇

送屠存博分教溧水

海內文名三十年青衫初映綵衣鮮積薪未許論工拙  
拾級那能較後先鱸舍談經周禮樂鷁舟臨賦晉山川  
春風無限分攜意目斷楊花綠水邊

元詩選初集卷二十



總校官候補中書臣吳紹濬  
校對官編修臣馬啟泰  
謄錄監生臣羅佑湘